


LÌNIAS PROGRAMMÀTICAS 2022/2027.



Premissa

Sas lìnias programmàticas pro su mandadu amministrativu 2022/27 de su Comune de Pàdria sunt istadas elaboradas cunforma a s'art. 46, comma 3, de su d.lgs 267/2000.

Pro su prus in generale, sas lìnias de mandadu currispondent a su programma de sa lista "Per Padria" presentadu a sos padriesos.

Su programma at continuidade cun su chi amus acumpridu in s'àteru mandadu e, a su matessi tempus, s'insertat a intro de unu progetu políticu ammaniadu pro durare in su tempus, solu in s'interessu de sa colletividade.

Sa gana de immaginare unu benidore pro sa bidda nostra non sessat.

Pro sos chimbe annos imbenientes ponimus in campu unu programma ambissiosu, pro sighire sa ripresa de Pàdria.

Pàdria, una bidda pro sos giòvanos

Obietivos istratègicos:

definire e sustènnere progetos ispetzìficos pro creare oportunitades de insertamentu de traballu pro sos giòvanos pro mèdiu de sa valorizatzione de sas peculiaridades artesanales, turìsticas e enograstronòmicas.

Obietivos operativos :

- < atuare e intzentivare, cun bandos pro sa cuntzessione de sos contributos, sa nàschida de formas de imprenditoria giovanile noa;
- < ativare sos bandos pro promòvere s'inghitzu de atividades econòmicas noas e s'isvilupu de cussas chi bi sunt giai pro fàghere crèschere s'economia locale e s'ocupatzione;
- < sustènnere sos giòvanos laureados cun su Prèmiu de Làurea Santa Giulia e sos istudiantes chi lu meritant de sas iscolas superiores secundàrias;
- < promòvere bandos pro s'acumprida de tirozìnios regionale pagados in s'àmbitu de sas atividades artesanales e cummertziales e de sos profesionistas lìberos;
- < erogatzione contributos pro minimare su costu de su traballu a favore de operadores econòmicos chi apant una sede operativa in Pàdria;
- < organizzare in Pàdria cursos pro su recùperu de sos annos iscolàsticos;
- < favorèssere s'acurtziada de sos giòvanos a s'impinnu sotziale.

Pàdria, bidda de s'isport e de sa salute

Obietivos istratègicos:

promòvere s'isport comente traste pro trasmìtere e iscambiare valores positivos chi megiovent sa crèschida e su benèssere psico-fisicu de sos giòvanos e de sos prus pagu giòvanos.

Promòvere s'isport e sos eventos isportivos de caràtere regionale e

nazionale comente traste de importu puru pro favorèssere ocupatzione e unu ruolu de isvilupu turìsticu de sa bidda e de totu su territòriu de su Biddanoa.

Obietivos operativos :

< Ativare ocasiones de aggiornamentu e formatzione;

< sustènnere s'iscudra locale de càlcium, sos assòtzios de diletantes e promòvere àteros isport (basket e tennis) interessende tècnicos abilitados;

< ativare un'iscuola de càlcium pro sos pitzinnos;

< organizzare cursos de abilitatzione a s'impitu de su defibrillatore;

< organizzare cursos de nuoto e àteras atividades (acquagym, yoga) in sa piscina comunale;

< ammaniare su terrinu de giogu de su campu de càlcium in erva sintètica;

< ammaniare un'àrea atretzada de allenamentu in logu abertu pro totus:

<organizzare, in collaboratzione cun sos entes de promotzione isportiva e sos assòtzios isportivos locales e de su territòriu, eventos isportivos de caràtere nazionale e regionale;

< afortiare sa Die de s'Isport;

Pàdria, bidda de su turismu e de s'istrangiadura

Obietivos istratègicos:

Isvilupare unu turismu sustenibile cun s'ambiente in gradu de contribuire a sa valorizatzione de sas richesas de su paesàgiu, de s'arceològia, de s'arte e de sa cultura de su territòriu nostru.

Obietivos operativos :

< sustènnere sas iniziatives imprenditoriales impinnadas in progetos

ligados a s'istrangiadura e a sa promotzione de su territòriu.

< istrangiare in su Cumbentu frantziscanu mustras e eventos de interessu culturale;

< dare su logu pro fàghere convegno ligados a su mundu de sas professiones, de sa cultura e de rilevantzia sotziale valorizende sas istruturas chi bi sunt in bidde nostra;

< ismanniare sas atividades de su museu e de sa biblioteca in un'atzione de promotzione de sas resursas archeològicas e culturales de su territòriu;

< programmare unu calendàriu annuale de eventos e de manifestatziones culturales e religiosas: Sant'Antoni de Bannarzu, Sa Chida Santa, Santa Zulia, Prèmiu Literàriu Gavino de Luna, Sant'Antòni de Padova;

< ammaniare in su tretu a costàgiu sa Tzitadella de s'Isport un'àrea atrezada pro bi fàghere istare sos *camper*;

Padria, bidde de sa cultura

Obietivos istratègicos:

promòvere sa cultura comente traste pro sa valorizazione de sas richesas materiales e non, presentes in sa bidde: crèsias, nuraghes, domus de janas, domos antigas, costumàntzias musicales, poesia, arte e sabores.

Obietivos operativos:

< mantènnere ativas e afortiare initziativas culturales comente "Monumenti Aperti e arti e Saporì";

< pònnere a dispositzione su fràigu de s'ex Cumbentu de sos frantziscanos pro organizzare mustras de arte, de istòria e de cultura popolare, interessende entes e assòtzios culturales;

< promòvere sa limba, sa poesia e su cantu sardu pro mèdiu de su Prèmiu Literàriu Gavino De Lunas;

< organizzare eventos dedicados a sas personalidades chi cun s'atividade issoro ant contribuidu a fàghere connòschere sa bidda nostra, tra custos su pitore Stanis Dessy;

< sighire cun sa valorizatzione de su Museu Tzìvicu Archeològicu dare vida a unu percursu de vìa cun àteros puntos informativos pro sos benes archeològicos e monumentales presentes in su territòriu nostru;

In Pàdria nisciunu si devet sentire a sa sola.

Obietivos istratègicos: megiorare e ismanniare sa calidade de sos servìtzios, a manera particolare cussos chi tocant sos prus dèbiles, sos antzianos, sustenende e incoragende onni progetu pro satisfàghere sos bisòngios e sa netzessidade de sos tzitadinos a manera particolare sos chi sunt prus pagu assortados. Fàghere a manera chi no istent a sa sola ativre initziativas pro cuntrastare su istare a sa sola e pro minimare su sentidu de èssere lassados a banda chi in sa de tres edades si sentit de prus, lassende sos antzianos in su cuntestu sotziale issoro e in s'ambiente in ue sunt istados tota vida.

Obietivos operativos:

< acabada, abertura e ativatzione de su tzentru diurnu e de totu sos servìtzios chi b'ant a èssere, atividades de recreu e de sotzializatzione e de mensa.

< ativatzione *screening* de preventzione onni ses meses pro amparare sa salute de sos tzitadinos.

< ativatzione servìtziu prelièvu gratùitu, ammaniare unu servìtziu mensa onni die prus efcatze siat in sas domos pròpias siat in su cuntestu de su tzentru diurnu.

< afortiare s'assistèntzia a domitzìliu pro su contivìgiu de sa pessone, de sa domo, de s'assistèntzia infermierìstica e riabilitativa e pro dare sas meighinas.

< favorèssere sa nàschida de un'assòtziu de boluntàrios de sa de tres edades chi rapresentet unu riferimentu pro sos sèberos de s'amministratzione comunale;

< assicurare su servìtziu de assistèntzia domitziliare;

< afortiare s'oferta de sos servìtzios educativos de sa prima infàntzia a intro de su nidu promovende iniziativas de caràtere formativu;

Pàdria, bidda de su decoru e de sas òperas pùblicas.

Obietivos istratègicos:

mantènnere ìnnida sa bellesa de sa bidda in su respetu de sa costumàntzia edilitzia e de s'impitu de materiales locales a manera coerente cun sas caraterìsticas sòtziu-econòmicas e territoriales de su tzentru urbanu.

Obietivos operativos:

< Ammaniare unu tzentru cun prus impitos in sos locales de s'ex iscola materna de destinare a atividades ambulatoriales (vìsistas ispetzialìsticas, tzentru prelievos), a sas atividades de sas pessones disàbiles impinnados in s'ortu sotziale;

< rennoare e pònner in seguresa su Museu Tzìvicu archeològicu;

< acontzare e fàghere sos martzapei in sos tretos foras de bidda a intro de su tzentru abitadu;

< pruvìdìre a megiorare sa manuntentzione de sas àreas birdes;

< cualificare torra sa pratza a costàgiu de s'ex Cumbentu frantziscanu;

< ristrutturare sa Crèsia de Santa Rughe;

< cualificare torra e megiorare su fràigu de s'iscola;

< ammaniare un'àrea destinada a sos canes;

< finantziare torra cun resursas comunales sa campagna pro isterilizare canes e batos;

< pònnere a postu sas àreas a inghèriu de sas funtanas in totu su territòriu comunale ammaniende percursos a tema chi culleghent sas funtanas antigas.

Pàdria, bidda de allevamentu e de agricultura.

Obietivos istratègicos :

< pònnere in campu totu sas atziones netzessàrias pro sustènnere e agiudare sas aziendas e sas pessones impignadas in custos setores.

Obietivos operativos:

< afortiare e megiorare sa manuntentzione de sas istradas de campagna inghitzende interbentos giustos e leende a cunsideru consìgios e indicatziones de unu grupu de traballu cumpostu dae allevadores, massajos e amministratzione comunale;

< sustènnere sa Cumpangia Barrantzellare istòrica impinnada in sas atividades de Protetzione Tzivile de amparu de s'ambiente e organizatzione de sos cursos de aggiornamentu cun sa collaboratzione de s'Assessoradu regionale.

Su Sìndigu

Dut.re Alessandro Mura